

伤寒方合解

卷四
共
册

12

張仲景傷寒論方卷四

蜀北射洪許宗正星東合解

堂叔大履綏之校正

辨陽明病脈證篇

內經曰手陽明大腸之脈起大指次指之端分
合谷行曲池上肩貫頰夾鼻孔下齒入絡肺下
膈屬大腸足陽明胃經脈起眼下入齒還唇
循喉嚨下膈屬胃絡脾下挾臍至膝下入足中
指

問曰病有太陽陽明有正陽陽明有少陽陽明何謂
傷寒論方合解卷四陽明

也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便秘難是也

此設爲問答以起陽明之義而又提出太陽少陽

俱有陽明病也內經曰陽明根於厲兌

其穴在足大指次指

端之以燥爲本太陰爲中氣陽明爲標分部在胸居

太少二陽之間故曰陽明若太陽標陽內入則陽

明燥熾脾土之濕不足以濟之而窮約病由太陽

故曰太陽陽明也若不涉太少二陽而陽明本氣

之燥獨盛則胃中熱結而胃家滿實是爲正陽陽

明也若少陽病誤發汗利小便則上下津液俱傷而引吸於中致胃中燥煩窒實而大便難是爲少陽陽明也此言陽明病有三者之別

陽明之爲病胃家實是也

此特申言正陽明之義必以胃家實三字爲提綱下章凡言陽明病者俱有胃家實二字在焉

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也

問何緣而得陽明病答曰本太陽病若重發汗若

誤下若過利小便此三者皆足以亡水穀之津液
致胃中乾燥則太陽熱邪乘之因轉屬病於陽明
燥結而不更衣則胃內滿實爲大便難者此名陽
明病也按此統言陽明致病之由非獨言太陽陽
明也陳修園謂此條單舉太陽陽明病非也攷三
陽病之傳變自見

問曰陽明病外證云何答曰身熱自汗出不惡寒反
惡熱也

或問曰陽明致病之由可得而聞矣然則陽明病
之外證其象如何答曰其人身熱濈然自汗出而

惡熱不似太陽身熱汗出而反惡寒也此言胃中實熱爲陽明外證之象也

問曰病有得之一日不發熱惡寒者何也答曰雖得之一日惡寒將自罷卽自汗出而惡熱也

問曰陽明外證本不惡寒而反惡熱也今陽明病有得之一日不見發熱而但惡寒者何也答曰初得之一日未常不涉於太陽至二日陽明用事不解表而惡寒將自罷卽自汗出而惡熱也此言風寒初入陽明經氣之形證也

問曰惡寒何故自罷答曰陽明居中土也萬物所歸

無所復傳始雖惡寒二日自止此爲陽明病也

又問陽明病不經解表惡寒何故自罷答曰陽明多氣多血居於中土萬物所歸無不容納故受邪無所復傳始病猶涉於太陽雖略惡寒二日邪入陽明則從燥化而惡寒自止此爲陽明病之成也本太陽病初得病時發其汗汗先出不徹因轉屬陽明也傷寒發熱無汗嘔不能食而反汗出濇濇然者是轉屬陽明也

本太陽病初得病時已先發其汗而發汗者不得其法令汗出不徹則邪因燥化而轉屬陽明也若

傷寒一日發熱無汗爲熱邪實而鬱塞皮毛內干胃氣嘔不能食至二日未發汗而反汗出漉漉然者是邪從熱化而轉病於陽明也此言陽明病有經發汗而成者有不經發汗而成者始異而終則一也

傷寒三日陽明脈大

傷寒二日陽明三日少陽今值少陽主氣而陽明脈大不衰者是邪歸中土無所復傳結爲陽明之實證也

傷寒脈浮而緩手足溫者是爲繫在太陰太陰者身

作辨請不能解
當發黃若小便自利者不能發黃至七八日
者爲陽明病也

傷寒脈浮而緩浮爲在表緩爲陰邪傷陰不涉於陽又爲太陰之本脈也其外證身中無熱推手足自溫者以脾主四肢其病不涉陽明是爲係在足太陰也太陰濕土遏鬱其人身當發黃若小便自利者則濕有去路不能發黃然濕去則津液漸枯至七八日交陽明主氣之期則邪從燥化爲大便鞭者此又轉爲陽明病也此言陽明病不但從陽經而至亦有從陰經而轉屬也

傷寒轉繫陽明者其人澀然微汗出也

傷寒不拘由何經而轉繫病於陽明者其人必澀然微汗出也

陽明中風口苦咽乾腹滿微喘發熱惡寒脈浮而緊若下之則腹滿小便難也

此言陽明中風併及太陽少陽而復內犯太陰也少陽木火之氣上衝則口苦咽乾內壅太陰之氣則腹滿微喘外合太陽之氣則發熱惡寒陽邪與太陽寒水之氣相持則脈浮而緊此當從太少三陽解也若誤下之則邪陷太陰腹愈滿逆三焦之

氣而小便難也

陽明病若能食名中風不能食名中寒

此以能食不能食而別其爲風爲寒也風爲陽邪必能鼓動燥氣而消食寒主凝滯必致胃中冷而不能消納也不可以誤爲胃家實而卽下之陽明病若中寒不能食小便不利手足濇然汗出此欲作固瘕必大便初鞭後溏所以然者以胃中冷水穀不別故也

此承上文言陽明中寒不但不能食而胃中冷則水穀不行小便亦不利也脾陽遏鬱則手足濇然

汗出也。如此情形，知欲固結而作瘕氣不蒸濡，必大便初鞭後溏，所以然者，以胃中冷而脾濕不運，水穀不能泌別清濁故也。此言陽明亦有寒證，不可拘拘於燥熱之說也。

陽明病初欲食，小便反不利，大便自調，其人骨節疼痛，翕翕如有熱狀，奄然發狂，濺然汗出而解者，此水不勝穀氣與汗共并，脈緊則愈。

此亦推言陽明中風能食之義。今陽明初病欲食，則知其爲中風也。風爲陽邪，必從燥化，宜乎大便鞭而小便自調。今反小便不利而大便自調者，

風尚在經氣而未入於府也故其人樞機滯而骨節疼外與太陽標陽相搏則翕翕如有熱狀不似陽明蒸蒸發熱也風熱上攻則心神亂而奄然發狂陰樞動則陽樞外達故濺然汗出而解何也此少陰水氣負而陽明穀氣勝故能作汗與邪共并而出先其未汗時診得脈緊者知穀氣鼓動外邪將出而愈也此言外邪未入於府得穀氣勝而能自愈也

陽明病欲解時從申至戌上

申酉屬金陽明稟燥金之氣金得金候而旺旺極

於戊邪不勝之自解也餘義見太陽病之解時

陽明病不能食攻其熱必噦所以然者胃中虛冷故也以其人本虛故攻其熱必噦

陽明病具於外而不能食必胃中有寒也若拘於胃家實而卽攻其熱是以寒從寒胃陽將絕必作噦所以然者以胃中虛冷無真陽外見陽明之假熱故也以其人平素胃陽本虛故攻其熱必噦

陽明病脈遲食難用飽飽則微煩頭眩必小便難此欲作穀瘴雖下之腹滿如故所以然者脈遲故也

陽明證具而脈遲知胃氣寒也氣寒則化食維艱

故食難用飽若飽則礙胸中清氣而微煩阻陽氣不達於顛頂而頭眩致三焦之氣不化必小便難此水穀不行將欲作穀瘕而發黃雖攻下之而腹滿不減如故所以然者以脈遲爲胃陽虛故不可下也

陽明病法多汗反無汗其身如虫行皮中狀者此久虛故也

陽明病法當多汗今反無汗是氣虛不能濡達皮毛陽氣將出而未能故其身如虫行於皮中狀者此以胃氣久虛不能充膚潤肉故也

陽明病反無汗而小便利二三日嘔而咳手足厥者
必苦頭痛若不咳不嘔手足不厥者頭不痛

陽明病法多汗今反無汗是挾太陽寒水之氣閉
塞皮毛內無熱邪而小便自利二三日不從陽明
少陽燥火之氣化反從寒濕犯胃而嘔逆肺氣而
咳手足厥冷者是三陽之氣不流四末難以上達
於頭故必苦頭痛若不咳不嘔手足不厥者是寒
不內犯而三陽之氣通也故頭不痛

陽明病但頭眩不惡寒故能食而咳其人必咽痛若
不咳者咽不痛

陽明病但頭眩者此熱邪上壅而生風也不惡寒是邪從陽化也陽主消故能食火邪刑金則咳熱上壅喉則咽痛不咳者是火邪不逆也故咽不痛陽明病無汗小便不利心中懊憹者身必發黃

此言燥爲濕戀而津液不能流通上下故無汗而小便不利太陰濕鬱爲熱而上熏則心中懊憹不安濕熱鬱久而身必發黃

陽明病被火額上微汗出小便不利者必發黃

此言陽明燥證醫反以火迫劫之熱病被火則津液枯惟額上有微汗出而小便亦不利也熱盛則